

մանրութով հող, որ տեղացիք Ոսկէ հող կանուանեն, սոյն հողից կաւէ անօթներ կը շինեն:

Դէտէ-Մուրատ քարալերան հարաւ արեւմտեան ստորոտն երկու ջրոց խառնուրդի միջավայրն կայ Դէտէ-Մաքսուտ գիւղն և ուխտատեղին, այս տափարակն զարդարուած է կանաչեղինօք և բազմաթիւ քաղցրահամ աղբիւրներով, մերձ ուխտատեղոյն ջրաղաց մը դարձնելու չափ աղբիւր մի կը բղխէ և նրանից քիչ հեռու աղի աղբիւր մի¹: Դէտէ-Մաքսուտայ գիւղացիք կը պատկանին Գէլթուրցի ցեղին, ունին 12 տուն բնակիչ:

Չաթ.—Այս գիւղը կը գտնուի մի քիլոմէթր բարձր կալոյի ջրէն, ուղղակի մի ժամ յարեւելս Սարուձէ գիւղէն Բօզ Թէփէ լեռնէ քի հարաւ արեւելս հոսող վտակի մի ձախ ափի վրայ շինուած, ունի 12 տուն բնակիչ-Պիլանցի քրդերից:

Բացի այս չորս գիւղերէն Ամատայ հիւսիսային սահմանի վրայ կը գտնուէր կալէի կամ կառուու ձորի մէջ եղած երկու կալոյի գիւղեր, որք այժմ աւերակ են:

Փերան ք. գիւղ մի է Ամատայ ուղղակի հարաւն 1 1/4 ժամ հեռի, դաշտի միջավայրն որ կայ յարեւելս Խրիցու գիւղի, յարեւմուտս Աշխալի և չաճի Սաֆար գիւղօրէից, ի հիւսիս Հիզան գիւղի, ունի 27—30 տուն բնակիչ, լաւ լաւ վարելահողեր, սակայն ժողովուրդն աղքատ է, չունի լուծք որ վարէ հողերն և օգտուի:

1. Այս տեղ մի առի աղբիւր կը բռնէր, Աւաշկերտի դաշտի ժողովուրդն շարունակ տկերով այս ջրոց կը բերէին իբրեւ առ կը գործածէին, առ հանքի գործակատարներ, որք առի փութն գրեթէ մի մանէթ արժողութեամբ կը վաճառեն, այս առեւիւրը քարերով կը գոցեն եւ կը հիսնն, որ իրեանց սող վաճառուի: